



Na osnovu Odluke Nadzornog odbora o raspisivanju Javnog konkursa za izbor i imenovanje članova Uprave-Generalnog direktora i izvršnih direktora Javnog preduzeća Elektroprivreda Bosne i Hercegovine d.d.-Sarajevo, broj: NO-5297/20-16/28.1. od 28.02.2020. godine, Javno preduzeće Elektroprivreda Bosne i Hercegovine d.d.- Sarajevo raspisuje

JAVNI KONKURS

za izbor i imenovanje članova Uprave-Generalnog direktora i izvršnih direktora
Javnog preduzeća Elektroprivreda Bosne i Hercegovine d.d.-Sarajevo

- I. Nadzorni odbor Javnog preduzeća Elektroprivreda Bosne i Hercegovine d.d. - Sarajevo raspisuje Javni konkurs za izbor i imenovanje članova Uprave Javnog preduzeća Elektroprivreda Bosne i Hercegovine d.d. - Sarajevo (u daljem tekstu: Konkurs) i to na slijedeće pozicije:
 1. Generalni direktor,
 2. Izvršni direktor za proizvodnju,
 3. Izvršni direktor za distribuciju,
 4. Izvršni direktor za snabdijevanje i trgovinu,
 5. Izvršni direktor za ekonomske poslove,
 6. Izvršni direktor za pravne poslove i ljudske resurse i
 7. Izvršni direktor za kapitalne investicije.
- II. Imenovanje članova Uprave-Generalnog direktora i izvršnih direktora vrši Nadzorni odbor Javnog preduzeća Elektroprivreda Bosne i Hercegovine d.d. - Sarajevo, na osnovu prethodne saglasnosti Vlade Federacije BiH.
- III. Imenovanje članova Uprave-Generalnog direktora i izvršnih direktora izvršiće se na period od 4 godine.
- IV. Kandidati treba da ispunjavaju slijedeće uslove:
 - za poziciju pod rednim brojem 1. univerzitetska diploma visoke stručne spreme, tehničke ili ekonomske ili pravne struke,
 - za poziciju pod rednim brojem 2. univerzitetska diploma visoke stručne spreme, elektrotehničke ili mašinske ili rudarske struke,
 - za poziciju pod rednim brojem 3. univerzitetska diploma visoke stručne spreme, elektrotehničke struke,
 - za poziciju pod rednim brojem 4. univerzitetska diploma VII stepena stručne spreme, tehničke ili ekonomske struke,
 - za poziciju pod rednim brojem 5. univerzitetska diploma visoke stručne spreme, ekonomske struke,
 - za poziciju pod rednim brojem 6. univerzitetska diploma visoke stručne spreme, pravne struke i
 - za poziciju pod rednim brojem 7. univerzitetska diploma visoke stručne spreme, tehničke ili ekonomske ili pravne struke.
- V. Pored navedenih uslova, kandidati za Generalnog direktora i izvršne direktore treba da ispunjavaju i slijedeće uslove:
 - da su državljani BiH,
 - da nisu stariji od 65 godina na dan imenovanja,
 - da su zdravstveno sposobni za obavljanje poslova pozicije za koju se kandidiraju,
 - da posjeduju radno iskustvo od 5 (pet) godina,
 - da nisu na funkciji u političkoj stranci,
 - da nisu osuđivani za krivično djelo i prekršaj nespojiv s dužnošću direktora 5 godina od dana pravosnažnosti presude, isključujući vrijeme zatvorske kazne,
 - da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
 - da nemaju smetnji u smislu Zakona o sukobu interesa u institucijama vlasti BiH (Služben glasnik BiH broj 13/02, 16/02, 14/03, 12/04, 63/08, 18/12, 87/13 i 41/16) i Zakona o sukobu interesa u organima vlasti Federacije BiH (Službene novine FBiH broj 70/08) i člana 252. Zakona o privrednim društvima (Službene novine FBiH broj: 81/15),
 - da su ostvarili uspješne rezultate tokom radnog iskustva,
 - da imaju iskustvo i reference uglednog stručnjaka u oblastima od značaja za rad i poslovanje JP Elektroprivreda BiH d.d. - Sarajevo,
 - da imaju reference organizacionih i menadžerskih sposobnosti i
 - da imaju program rada za period na koji se imenuju.
- VI. Kao dokaz o ispunjavanju uslova iz Konkursa, kandidati su dužni, u originalu ili ovjerenom kopiji, priložiti slijedeću dokumentaciju:
 - potpisanu prijavu na Konkurs,
 - biografiju (CV),
 - diplomu visoke stručne spreme odgovarajuće struke, koja je stečena po propisima koji su se primjenjivali prije početka Okvirnog Zakona o visokom obrazovanju u Bosni i Hercegovini ili koja je stečena u skladu sa Okvirnim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova,
 - uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
 - potvrdu ili uvjerenje o potrebnom radnom iskustvu,
 - ovjerenu izjavu da ne vrše funkciju u političkoj stranci,
 - ovjerenu izjavu da u posljednjih 5 (pet) godina nisu pravosnažno osuđivani za krivično djelo nespojivo sa dužnošću direktora, isključujući vrijeme zatvorske kazne (JP Elektroprivreda BiH d.d. - Sarajevo zadržava pravo da za kandidate koji ispunjavaju uslove po ovom Konkursu od nadležnog organa zatraži podatke iz evidencije, kako bi utvrdila tačnost podataka datih u naprijed navedenoj izjavi),
 - uvjerenje da u posljednjih 5 (pet) godina nisu pravosnažno kažnjeni za privredni prijestup – prekršaj nespojiv sa dužnošću direktora, izdat od strane nadležnog suda (ne starije od 6 mjeseci),
 - ovjerenu izjavu da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
 - ovjerenu izjavu da nemaju smetnji u smislu Zakona o sukobu interesa u institucijama vlasti BiH ("Službeni glasnik BiH" broj 13/02, 16/02, 14/03, 12/04, 63/08, 18/12, 87/13 i 41/16) i Zakona o sukobu interesa u organima vlasti Federacije BiH (Službene novine FBiH broj 70/08) i člana 252. Zakona o privrednim društvima (Službene novine FBiH broj: 81/15),
 - potpisan program rada za period na koji se imenuju.

Kandidati koji dostavljaju diplome strane visokoškolske ustanove dužni su u originalu ili ovjerenom kopiji dostaviti i akt nadležnog organa u BiH o nostrifikaciji diplome u skladu sa propisima o visokoškolskom obrazovanju.

Kandidati koji budu imenovani biće upućeni na ljekarski pregled radi utvrđivanja njihovog zdravstvenog stanja i radne sposobnosti za obavljanje poslova pozicije na koju su imenovani.
- VII. Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se tiču ostvarenih rezultata tokom rada, iskustva i reference uglednog stručnjaka u oblastima od značaja za rad i poslovanje JP Elektroprivreda BiH d.d. - Sarajevo, te organizacionih i menadžerskih sposobnosti.

Kandidati koji budu imenovani za članove Uprave zasnivaju radni odnos na neodređeno vrijeme.

JP Elektroprivreda BiH d.d. - Sarajevo zadržava pravo da za kandidate koji ispunjavaju uslove po ovom Konkursu kod nadležnih organa provjeri tačnost podataka datih u izjavama.

Kandidati koji budu imenovani su dužni obezbijediti certifikat o završenom usavršavanju u skladu sa odredbama Uredbe o usavršavanju predsjednika i članova nadzornih odbora i uprava privrednim društvima sa učešćem državnog kapitala.

Rok za podnošenje prijave je 15 (petnaest) dana od dana objavljivanja Konkursa.

Napomena: kandidati koji se prijavljuju na više od jedne pozicije, dužni su u prijavi navesti pozicije na koje se prijavljuju, te za svaku poziciju dostaviti poseban program rada.

Kandidati su dužni dostaviti prijave sa naznakom pozicije na koju se prijavljuju i potrebnom dokumentacijom, lično ili putem pošte, na adresu:

JP Elektroprivreda BiH d.d.-Sarajevo
Sektor za ljudske resurse
71000 Sarajevo
Wilsonovo šetalište 15

Sa naznakom „Javni konkurs za izbor i imenovanje članova Uprave“

Nepotpune i neblagovremene prijave neće se uzeti u razmatranje.

Kandidati će biti pismeno obaviješteni o ishodu Konkursa, a priložena dokumentacija neće se vraćati.